

Foreldrafélag Garðaskóla



Skýrsla stjórnar 2012-2013

Íslenskar rannsóknir hafa sýnt

að eftirlit foreldra, stuðningur þeirra, magn tíma sem varið er með foreldrum og tengsl foreldra við aðra foreldra og vini barna þeirra dregur úr líkum á vímuefnaneyslu og eykur líkur á góðum námsárangri.

Einnig hefur þar komið fram að í skólum þar sem foreldrar starfa saman og þekkja aðra foreldra og vini barnanna sinna eru minni líkur á því að hver einstakur nemandi neyti áfengis og meiri líkur á því að hann fái góðar einkunnir, óháð því hvort foreldrar hans tilheyri þessu tengslaneti foreldra eða ekki.

Þá segja rannsóknir okkur að þátttaka unglingsi í skipulögðu tómstundastarfi og íþróttum sé mikilvæg forvörn gegn vímuefnaneyslu.

Virkir foreldrar eru því mikilvæg forvörn og gera skólann og bæjarfélagið að betri stað fyrir börn að alast upp í.

Rannsókn og greining, 2009

Aðalfundur foreldrafélagsins, 15. maí 2013 kl. 20-21.

Stjórn foreldrafélags Garðaskóla

Í vetur sátu 4 fulltrúar foreldra í stjórn foreldrafélagsins; Kristbjörg Ágústsdóttir formaður, Dórothea Elva Jóhannsdóttir varaformaður, Björn Heimir Björnsson ritari og Katrín Helgadóttir fulltrúi stjórnar í skólanefnd. Stjórnin fundaði 7 sinnum í vetur, þar af tvísvar sinnum með skólastjóra og aðstoðarskólastjóra. Að auki var fundur með bekkjarfulltrúum skeytt saman við aukaaðalfund í september. Allar fundargerðir má finna á heimasíðu Garðaskóla undir Foreldrar.

Helstu verkefni vetrarins voru stuðningur við bekkjarfulltrúa, undirbúningur félagsgjalds, umsjón foreldrarölt, matarmál og einelti sem var alltaf á dagskrá á öllum fundum. Á fundum með skólastjórnendum var til dæmis fjallað um brunaæfingar í skólanum, val á nemendum í Comeniusarverkefnið, framkvæmd Gagn og gaman daga og hvaða forvarnir boðið er uppá fyrir nemendur.

Bekkjarfulltrúar

Í vetur voru kosnir 2-3 bekkjarfulltrúar í hverjum bekk og í heildina voru starfandi 43 bekkjarfulltrúar í skólanum. Hlutverk bekkjarfulltrúa er að stuðla að auknu samstarfi foreldra, kennara og nemenda innan hvers bekkjar, að vera tengiliður foreldra við stjórn foreldrafélagsins, hafa umsjón með mætingu foreldra á úthlutuðu kvöldi í foreldrarölti og skipuleggja í samvinnu við fulltrúa nemenda og umsjónarkennara eina til tvær bekkjarskemmtanir á vetri. Bekkjarskemmtanir eru sérstaklega mikilvægar í 8. bekk.

Mismunandi hefur verið hversu virkt foreldrastarfið hefur verið í vetur. Í sumum bekkjum hefur verið haldið morgunkaffi sem er skemmtileg tilbreyting frá hefðbundnum bekkjarskemmtunum. Þá hittast foreldrar og börn auk umsjónarkennara í léttum morganverði og spjalli í skólanum. Í nokkrum bekkjum var skipulagður sameiginlegur viðburður eins og bíóferð, keiluferð eða skautaferð en var þátttaka misdræm og í einhverjum tilfellum þurfti að aflýsa ferð. Einnig munu einhverjur bekkir vera að stefna á að hafa hitting í lok skólaársins þar sem er grillað er saman.

Einn bekkur hélt skemmtilegt og vel skipulagt bekkjarkvöld þar sem 12 stöðvar með fjölbreyttum verkefnum voru settar upp víðsvegar um skólann. Myndir voru teknar og þær svo sýndar á meðan veitingar voru snæddar.

Bekkjarfulltrúar 8IW skipulögðu góðgerðarverkefni bekkjarins sem vatt svo uppá sig þannig að úr varð góðgerðarverkefni skólans með aðkomu nemenda í 8. bekk. Verkefninu var hrundið af stað miðvikudaginn 24. apríl þegar nemendur í 8IW bökuðu kanilsnúða í heimilisfræðitínum, pökkuðu þeim í textílmennt. Í hádeginu sóttu foreldrar átta unglunga úr bekknum sem fóru til starfa í matarúthlutun Fjölskylduhjálparinnar og afhentu þar snúðapakkana.

Verkefnið hélt svo áfram þar sem fleiri nemendur í árganginum bökuðu og dreifðu gjöfunum hjá Fjölskylduhjálþ Íslands. Verkaskipting er þannig að börnin gefa sinn tíma, skólinn skaffar leiðsögn og hráefni, foreldrar sjá um akstur til Fjölskylduhjálpar og allir uppskera. Forsendurnar fyrir vali samstarfsaðila voru þær að börnin gætu unnið létt verk í þágu samtakanna, en ekki væri lögð áhersla á peningesöfnun. Verkið nýttist jafnframt í okkar nærsamfélagi. Fjölskylduhjálþ Íslands fyrir valinu í þetta skiptið þar sem þau gátu útvegað nemendum verkefni með stuttum fyrirvara.

Foreldrarölt

Tilgangurinn með foreldrarölti er að varna því að unglings lendi í vanda og koma í veg fyrir hópamyndanir eftir löglegan útvistartíma. Nærvera fullorðinna þar sem unglings hafa safnast saman hefur róandi og fyrirbyggjandi áhrif. Með þessu minnkum við líkurnar á að unglingsarnir lendi í aðstæðum sem ógna þeim eða hræða. Slík nærvera gefur unglungunum líka tækifæri til að leita aðstoðar fullorðinna ef á þarf að halda. Síðast en ekki síst er markmiðið með foreldrarölti að foreldrar kynnist innbyrðis og umhverfinu sem unglingsarnir hrærast í. Ítarlegar upplýsingar um foreldrarölt, tilgang og framkvæmd er að finna á heimasíðu Garðaskóla, undir Foreldrar.

Stjórn foreldrafélagsins í samstarfi við Garðalund skipuleggur foreldrarölt á föstudags og laugardagskvöldum hluta úr vetri.

Að þessi sinni var um að ræða átta kvöld frá 26.október til 17.nóvember, en þá höfðu allir 16 bekkir verið boðaðir einu sinni. Flest kvöld tókst að smala saman hópi foreldra sem fór á röltið. Alla jafna voru fáir unglings á ferli, en þeir sem sást til voru til fyrirmynadar. Eitt kvöldanna var fellt niður vegna slæms veður en tveir hópar létu ekki vita hvort náðst hefði að mynda hóp.

Í haust benti starfsfólk Garðalundar á að vorin væru að ýmsu leyti mikilvægari tími til að halda úti foreldrarölti. Þá eru unglingsarnir meira úti við og þar sem þeir eru eldri þá eru fleiri byrjaðir að neyta áfengis. Því var ákveðið að gera tilraun með að halda líka foreldrarölt nokkrar helgar í vor. Byrjað var að skipuleggja sex kvöld, frá 12.apríl til 27.apríl, þar af eitt sem Sjálandsskóli ætlaði að sjá um. Viðbrögð foreldra voru mjög dræm, þannig að aðeins á tveimur þessara kvölda náðist að mynda hópa sem fóru á röltið. Sex bekkir hafa enn ekki verið boðaðir í vor, með það í huga að það megi kalla á þá síðar ef á þarf að halda.

Eitt aukaforeldrarölt var haldið aðfarakvöld Uppstigningardags að tillögu Garðalundar. Það var ákveðið með svo skömmum fyrirvara að bekkjarfulltrúarnir voru sjálfir beðnir um að taka kvöldið að sér. Mikið líf var það kvöld í bænum en foreldrar urðu ekki varir við óæskilega hegðun.

Nefndir

Í veturnar var starfandi matarnefnd sem í sátu Hafdís Bára Kristmundsdóttir, Hanna Lilja Jóhannsdóttir og Björgvin Harri Bjarnarson. Nefndin fundaði tvívar sinnum í veturnar og heimsótti einnig skólann á matartíma til að kynna sér aðstæður. Til stóð að funda með skólastjórnendum í janúar sem og með Skólamat, sem sér um matinn í grunnskólum Garðabæjar, og fulltrúum nemenda.

Í Garðaskóla er ekki boðið uppá sallatbar og á meðan hann er ekki þá er nemendum í grunnskólum Garðabæjar mismunað. Hins vegar þá þarf viðbótarmönnun ef salatbarinn kemur. Nemendum í mataráskrift hefur fjölgað en þau njóta engrá fríðinda nema í verðinu sem er örlítið lægra. Skólinn sker sig úr öðrum skólum sem fyrirtækið þjónar þar sem það hefur mjög gott upp upp sölu á langlokum, samlokum og slíku og í raun miklu meira en upp úr heita matnum.

Spurningin er hvaða stefnu við viljum taka í matarmálum nemenda. Vilji skólans er skýr hvað það varðar að vilja fá matarmálin til sín og ráða matreiðslumenn til að elda á staðnum. Vilji bæjaryfirvalda er líka skýr og stefnan er að gera samning fyrir alla skólana og halda áfram með Skólamat.

Skólaráð

Skólaráð Garðaskóla starfar samkvæmt 8. grein laga nr. 91/2008 um grunnskóla og reglugerð nr. 1157 um skólaráð við grunnskóla. Verkefni skólaráðs er að taka þátt í stefnumörkun fyrir skólann og móturn sérkenna hans í samræmi við stefnu sveitarfélags um skólahald. Skólaráð er afar mikilvægur lögboðinn vettvangur foreldra til að koma skoðunum sínum á skólastarfi á framfæri við skólastjórnendur grunnskóla. Ítarlegri upplýsingar um skólaráð má finna á heimasíðu Garðaskóla.

Foreldrar eiga two fulltrúa í skólaráði. Fulltrúar foreldra í skólaráði árið 2012 2013 eru Kristín Helgadóttir, fulltrúi foreldra, og Katrín Helgadóttir, fulltrúi stjórnar foreldrafélagsins. Skólaráð fundaði þrisvar sinnum í veturnar og má finna fundargerðir á heimasíðu skólans. Á fundunum var m.a. fjallað um skólanámskrá, skóladagatal, ársskýrslu og starfsáætlun skólans, vettvangsferðir nemenda, undirbúnning verkefnis um heilsueflandi grunnskóla og úrskurð Mennta- og menningarmálaráðuneytis um að Garðaskóla sé óheimilt að fella niður kennslu meðan 10. bekkur tekur samræmd próf.

Grunnstoð Garðabæjar

Grunnstoð Garðabæjar er samráðsvettvangur foreldrafélaga í Garðabæ. Þar eiga sæti fulltrúar tveir fulltrúar frá öllum grunnskólum bæjarins, annar fulltrúinn er í stjórn foreldrafélagsins og hinn er fulltrúi í skólaráði. Fulltrúar Garðaskóla í veturnar voru Kristbjörg Ágústsdóttir úr stjórn foreldrafélagsins og Kristín Helgadóttir fulltúi í skólaráði Garðaskóla.

Tilgangur grunnstoðarinnar er að efla rödd foreldra sem hagsmunahóps og sameina krafta þeirra til góðra verka í skólamálum. Samstarfið auðveldar foreldrafulltrúum að vera bæjaryfirvöldum til aðstoðar og ráðuneytis um skóla- og fjölskyldumál. Grunnstoð er í samstarfi við Heimili og skóla – landssamtök foreldra. Grunnstoð Garðabæjar skipar fulltrúa úr sínum röðum í skólanefnd til tveggja ára í senn sem og varafulltrúa. Fulltrúi foreldra situr fundi skólanefndar með málfrelsi og tillögurétt sbr. 4 málsgrein 6. greinar grunnskólalaga nr. 91/2008. Í veturnar var fulltrúi foreldra í skólanefnd Jóhanna Guðrún Ólafsdóttir úr Flatarskóla.

Fulltrúar í Grunnstoðum funda að jafnaði 3-4 á önn og má finna fundargerðir á heimasíðu Garðabæjar undir þjónusta/Skólar og Menntun/Grunnskólar. Verkefni Grunnstoða eru m.a. að skipuleggja fræðslufund fyrir foreldra sem haldinn er árlega á vorönn og funda með bæjarstjóra tvísvar sinnum á vetri og koma þar milliliðalaust á framfæri óskum og athugasemdum foreldra.

Lokaorð

Stjórn foreldrafélags Garðaskóla veturninn 2012-2013 mun öll ljúka störfum nú í vor. Við viljum þakka öllum foreldrum og forráðamönnum sem tekið hafa þátt í störfum foreldrafélagsins í veturnar fyrir störf sín. Einnig viljum við þakka skólastjórnendum og starfsmönnum Garðaskóla fyrir samstarfið í veturnar. Við óskum nýrri stjórn velfarnaðar í starfi.

Gleðilegt sumar

Kristbjörg, Dórothea, Björn og Katrín.